

## Universitätsbibliothek Paderborn

# M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius Lugd. Batav. ; Roterodami, 1665

Cap. IV. De primis apud rhetoreni exercitationibus.

urn:nbn:de:hbz:466:1-12945

judicio suo coget. 'Sit ergo tam eloquentia quam moribus præstantissimus, qui ad 2 Phænicis Homerici exemplum dicere ac facere doceat.

I Sit ergo.] Generalis est conclusio

utriusque capitis. Turneb.
2 Phænicis Homerici.] Libro nono Iliados in legatione ad Achillem Phœ-

chum esse à Peleo ut eum efficeret & verborum oratorem & rerum actorem. Turneb. Phænicis Homerici.] Hoc Cic. de Oratore 3. Ut ille apud Homerum nix Achillis pædagogus ait se illi du- Phœnix. Camerar.

#### C A P. IV.

## De primis apud rhetorem exercitationibus.

4 HInc jam quas primas in docendo partes rhetorum pu-Item, tradere incipiam: dilata parum per illa, 'quæ fola vulgo vocatur, arte rhetorica. Ac mihi opportunus maxime videtur ingressus ab eo cujus aliquid simile apud grammaticos puer didicerit. 2 Et quia narrationum, excepta qua in caussis utimur, tres accipimus species: fabulam, quæ versatur in tragædiis atque carminibus, non à veritate modo, 3 sed etiam à forma veritatis remotam: argumentum, quod falsum, sed vero simile comædiæ singunt: historiam, in qua est gestæ rei expositio: grammaticis autem poéticas dedimus: \* apud rhetorem initium sit historia, tanto robustior, quanto verior. Sed narrandi quidem quæ nobis optima ratio videatur, tum demonstrabimus, cum de judiciali

DE progymnasmatis que sunt prima loco sequi videtur eum qui scripsit Rhe-apud Rhetorem elementa, ante juftum declamationis opus agit, primumque de narratione, non illa quidem civili, quæ pars est inventionis, sed hi-Aorica. nam fabulofas narrationes grammaticis libro primo dedit, atque ita rhetorum officia cum officiis grammatici conjungit. Turneb.

I Qua sola.] Accipio de praceptionibus Rhetoricis. Nam illas artem vocare solemus. Camer.

2 Et quia narrationem.] Fabius hoc Sat. 1. pag. 113.

viserit narrationem in civilem, digresforiam, & illam quæ remota est à caufis civilibus, hanc postremam in tres has partes diduxit. Turneb.

3 Sed etiam à forma.] Ut fabula Atrei & Thyestis, Medex, Iphigenia, & tota narrationes με αμορφόσεων. Cicero Rhetor. I. Camer.

4 Apud Rhetorem initium fit historia.] Vide Casauboni Commentar, ad Persii

I Interin

INST. ORATOR. LIB. II. CAP. IV.

parte dicemus. Interim admonere illud fatis est, ut sit ea neque arida prorsus atque jejuna: (2 nam quid opus erat tantum studiis laborem impendere, si res nudas atque inornatas indicare satis videretur?) neque rursus sinuosa, & accersitis descriptionibus, in quas plerique imitatione poëticæ licentiæ ducuntur, lasciva. 3 Vitium utrunque : pejus tamen illud quod ex inopia, quam quod ex copia venit. Nam in pueris oratio persecta nec exigi nec sperari potest: melior autem est indoles læta, generofique conatus, & vel plura justo concipiens interim spiritus. 4 Nec unquam me in his discentis annis offendat si quid superfuerit. Quin ipsis doctoribus hoc esse curæ velim, ut teneras adhuc mentes more nutricum mollius alant, & satiari velut quodam jucundioris disciplinæ lacte patiantur. Erit illud plenius interim corpus, quod mox adulta ætas adstringat. Hinc spes roboris. Maciem nanque & infirmitatem in polterum minari tolet protinus omnibus membris expressus infans. Audeat hæc ætas plura, & inveniat, & inventis gaudeat, fint licet illa non satis interim sicca & severa. Facile remedium est ubertatis, sterilia nullo labore vincuntur. Illa mihi in pueris natura minimum spei dabit, in qua ingenium judicio

I Interim admonere illud.] Aphthonius narrationem habere debere ait, claritatem, brevitatem, persuasionem, Or verborum electionem : Fabius paulo locupletiorem esse vult, quoniam (ut scribit libro quarto) fatius est narrationi aliquid superesse quam deesse, præsertim in pueris, quos minime aridos esse convenit. Turneb.

2 Nam quid opus erat tantum studiis laborem.] Mss. Palat. Tantum studiis laboris impendere. Et inf. lib. codem c. 6. Gebhard. Crepund. lib.2. cap.8. p.79.

3 Vitium utrunque.] Utitur egressione Fabius, ac vitium jejunitatis & copix inter se comparat, aitque in puero potiorem esse copiam quam ariditatem.

Cicero Sophistis tribuit, qui acutus sententiis & metaphoris floridis abundat : in quo eminet Isocrates. Idem.

5 Maciem nanque.] Infantes esse solent vulgo humidiores & corpulentiores, ideoque membris minus expressis & formatis, sed paulatim ætate adolescente incipiunt membra figurari. quod si initio bene figurata fuerint, cum crescent exilia reddentur & imbecilla-

6 Facile remedium ubertatis.] Sic Seneca lib. 4. Controvers. 25. quem vide.

Judicio prassumitur.] Quemadmodum Fabius libro primo pracox ingenium damnabat, ita nunc quoque præcox judicium, quod de ingenii fertilitate aliquid resecet. Intelligi etiam hoc modo 4 Nec unquam.] Stylus hic est quem locus poterit, cum aliquis non ingenit

1-

80

3

e

præsumitur. Materiam esse primum volo vel abundantiorem, atque ultra quam oporteat fusam. 2 Multum inde decoquent anni, multum ratio limabit, aliquid velut ufu ipfo deteretur, sit modo unde excidi possit, & quod exculpi. erit autem, fi non ab initio tenuem nimium laminam duxerimus, & quam cœlatura altior rumpat. Quod me de his ætatibus sentire minus mirabitur, qui apud 3 Ciceronem legerit, Volo enim se efferat in adolescente facunditas. Quapropter in primis evitandus, & in pueris præcipue, magister aridus, non minus, quam teneris adhuc plantis ficcum & fine humore ullo folum. Inde fiunt humiles statim, & velut terram spectantes, qui nihil supra quotidianum sermohem attollere audeant. 4 Macies illis pro fanitate & judicii loco infirmitas est: & dum satis putant vitio carere, in id ipsum incidunt vitium, quod virtutibus carent. Quare mihi ne maturitas quidem ipla teltinet, nec musta in lacu statim auftera fint: fic & 'annos ferent, & vetustate proficient. Ne illud quidem quod admoneamus indignum est, ingenia puerorum nimia interim emendationis severitate deficere: nam & desperant, & dolent, & novissime oderunt: &, quod maxime nocet, dum omnia timent, nihil conantur. ? Quod etiam rusticis 8 notum est, qui frondibus teneris

dexteritate, sed judicii præsumptione & conceptione nititur. Turneb. Judicio præsumitur.] Hoc est, ubi ingenium judicio constat seu concipitur. Ingenii enim naturalis est vis, judicium studio paratur. Camerar.

I Materiam, & c. fusam.] Metaphora ducta est à suscribus & excusoribus, qui per constationem opera ex metallis conficiunt.

2 Multum inde decoquent anni, & c.] Decoquere, est minuere, detrahere. Ita & docti scripta sna, ubi scrnel illa essuderunt, diligenter cassigant, plurima detrahendo. Vide Casaub. ad Pers. pag. 159. &c.

3 Ciceronem.] II. De Orat.

4 Macies illis.] Quia graciliter dicunt

& humiliter, neque sermonem attollere audent, hujusmodi infirmitatem dicendi esse optimam putant, optimumque judicant vitio copia carere. Turneb.

5 Annos ferent.] Vinum dicitur amos ferre, quod inveteratum & diutius affervatum non degenerat. contrario modo dicitur vinum fugere, quod atati cedit, & sensim vapescit. Idem.

6 Ne illud.] Hoc paræneticum est, admonetque ne præceptor in emendando sit severior. 1dem.

7 Quod etiam rusticis.] Collumella quoque pracipit, cum erunt tenera planta, vel teneri etiam turiones vitium, si quid auferendum sit, pampinetur manu, non etiam ferro. Idem.

8 Notum eff.] Virgil. Georg. 2.

I Totas

non putant adhibendam esse falcem, quia reformidare serrum videntur, & cicatricem nondum pati posse. Jucundus ergo tum maxime debet esse præceptor, ut remedia, quæ alioqui natura sunt aspera, molli manuleniantur: laudare aliqua, ferre quædam, mutare etiam, reddita cur id fiat ratione: illuminare, interponendo aliquid sui. Nonnunquam hoc quoque erit utile, totas ipsum dictare materias, quas & imitetur puer, & interim tanquam suas amet. At si tam negligens ei stylus fuerit, ut emendationem non recipiat: expertus sum prodesse, quoties 3 eandem materiam rursus à me tractatam, scribere de integro juberem: posse enim eum adhuc melius. quatenus nullo magis studia quam spe gaudent. Aliter autem alia ætas emendanda est, & pro modo virium exigendum, & corrigendum opus. Solebam ego dicere pueris aliquid ausis licentius aut lætius, laudare illud me adhuc, venturum tempus quo idem non permitterem. ita & ingenio gaudebant, & judicio non fallebantur. 2 Sed ut eo revertar, unde sum egressus: Narrationes stylo componi quanta maxima possit adhibita diligentia volo. Nam ut primo cum termo inftituitur, dicere quæ audierint, utile eft pueris ad loquendi facultatem, ideoque & retro agere expositionem, & à media in utranque partem discurrere sane merito cogantur, sed ad præceptoris gremium, & dum aliud non pollunt, & dum res ac verba connectere incipiunt, ut protinus memoriam firment: tita cum jam formam rectæ atque emendatæ orationis ac-

I Totas ipsum distare materias.] Materias appellat Fabius, quæ Græci appellant themata, nos etiam argumenta & proposita dicimus. totas præceptor materias distar, cum argumentum ita suse explicat, ut nihil relinquat quod ad rei tractationem pertineat. Turneb.

2 Eandem materiam rursus à me trastatam.] Vide Gebhard. Crepund. libro 2. cap. 9. qui ex MS. Palat. leg. retractatam.

3 Sed at to revertar.] Epanodos eff ad Idem.

rem propositam. Porro diligentiam syli in narrationibus exigit', quod cum hoc progymnasma nos præparet ad narrationes civiles, eas oportet esse diligenter compositas, ut nihil judicem lareat. alioqui enim, ut ait Fabius, confirmationi hoc oberit. Turneb.

4 Ita cum jam.] Fabius ita præcipu, ut pueri primum loqui discant, & verba connectere: deinde recte & emendate loqui: postremo ex tempore dicerc.

H 3

I Him

C

S

ii

d

.

IS

n e-

1-

n-6.

105

ıf-

0-

-93

ft,

n-

12

rx

71-

16-

cipient, extemporalis garrulitas, nec expectata cogitatio & vix surgendi mora, circulatoriæ vere jactationis est, Hinc parentum imperitorum inane gaudium, ipsis vero contemptus operis, & inverecunda frons, & consuetudo pessime dicendi, 2 & malorum exercitatio, &, quæ magnos quoque profectus frequenter perdidit, arrogans de se persuasio innascitur. Erit suum 3 parandæ facultati tempus, nec à nobis negligenter locus iste transibitur. Interim satis est si puer omni cura, & summo quantum ætas illa capit, labore, aliquid probabile scripferit: in hoc assuescat, hujus rei naturam sibi faciat. Ille demum in id quod quærimus, aut ei proximum poterit evadere, qui ante discet re-Ete dicere, quam cito. 4 Narrationibus non inutiliter subjungitur opus destruendi confirmandique eas, quod ana oudi & ngi Goods vocatur. Id porro non tantum in fabulofis & carmine traditis fieri potest, verum etiam in ipsis annalium monumentis: ut si quæratur an sit credibile super caput 6 Valerii pugnantis fediffe corvum, qui os oculosque 7 hostis Galli rostro atque alis everberaret: sit in utranque partem ingens ad dicendum materia. ut de serpente 8 quo

I Hinc par. imperit. in ane gaud.] Sed ut in ania quædam gaudia, sic etiam sunt vera & folida: ut Seneca docet Epist. 59. lib. 8. & Fr. Juretus ad Symmachi 1. 1. Epist. 25. p 24.

2 Et malorum exercitatio.] Gebhard. Crepund. lib. 2. cap. 9. p. 82. ex MS.

legit: malorum exortatio.

3 Parandæ facultati.] Facultatem appellat Fabius, extemporalem dicendi facilitatem. de qua aget libri decimi capite septimo Turneb. Facultati.] Al. Facilitati.

4 Narrationibus non inutiliter.] De confirmatione & refutatione loquitur, ut sunt progymasimnata, non inventionis partes. locum habent, inquit Aphthonius, non in rebus vel manifestissimis, vel falsissimis, sed in ambiguis & dubiis. Turneb.

ς Opus destruendi. T Satis ipse explicat Fabius cujus modi sit opus & ανασκούπε, quæ est resutatio, & nα ωσκούπε, quæ est assertio. Vide & Gellium lib.9. cap.x1. Camerar.

6 Valerii pugnantis.] Liv. dec.1.lib.7. 7 Hoslin Galli.] Valerius tribunus in exercitu Camilli persequentis Gallos Senones, provocatorem Gallum singulari certamine superavir, adjutus à Corvo. Unde Corvinus est appellatus.

8 Quo Scipio traditur genitus.] Ajunt matrem Africani diu sterilem suisse, &cum ea aliquando visum serpentem, ex quo genitum Scipionem fama distulit. Idem scribitur de Olympiade matre Alexandri. idem de Accia matre Augusti Cæsaris. Gel. lib. 7. cap. 1. Liv. dec. 3-lib.6. & dec.1. lib. 10. Idem.

I Nam

Scipio traditur genitus, & lupa Romuli, & Ageria Numæ. 'Nam Græcis historiis plerunque poëticæ similis est licentia. Sæpe etiam quæri solet de tempore, de loco, quo gesta res dicitur. 2 Nonnunquam de persona quoque, sicut Livius frequentissime dubitat, & alii ab aliis historici diffentiunt. 3 Inde paulatim ad majora tendere incipiet, laudare claros viros, & vituperare improbos: quod non fimplicis utilitatis opus est. Nanque & ingenium exercetur multiplici variaque materia, & animus contemplatione recti pravique formatur, & multa inde cognitio rerum venit: exemplisque, quæ sunt in omni genere caussarum potentissima, jam tum instruitur, cum res poscet usurus. 4 Hincilla quoque exercitatio subit comparationis, uter melior, uterve deterior: quæ quanquam versatur in ratione fimili, tamen & duplicat materiam, & virtutum vitiorumque non tantum naturam, sed etiam modum tractat. Verum de ordine laudis, contraque, quoniam tertia hæc rhetorices pars est, 5 præcipiemus suo tempore. 6 Communes loci (de iis loquor quibus citra perfonas in ipla vitia moris est perorare, ut in adulterum, aleatorem, petulantem)

ex mediis funt judiciis, & si reum adjicias, accusationes: quanquam hi quoque ab illo generali tractatu ad quasdam

r Nam Gracis hist.] De Latinis non dissimiles quastiones: ut de Romuli ascensione in cœlum, apud Cic. lib. r. de legibus. Fl. Vopiscus in Aureliano. Neminem scriptorum quod ad historiam attinet non esse mentitum. Pith.

2 Nonnunquam de persona.] Sic statim libro primo ab urb. dubitat Livius an Ascanius sit silius Anex ex Creusa an ex Lavinia. & an Lucius Tarquinius sit Tarquinii Prisci silius, an nepos, dubitatur, quia diversa scribunt Livius & Dionysius. Turneb.

nasma, laus & vituperatio: quod non folum in personis, sed in aliis quoque rebus exerceri solet: in personis tamen que est thesis. Turneb.

frequentissime, idque bifariam, vel simpliciter, vel ex comparatione. Idem.

4 Hinc illa quoque.] Comparationem Aphthonius sejungir à laudatione & vituperatione, sub his tamen eam complectitur Fabius: ac nihil est omnino aliud quam laus aut vituperatio duplicata. Idem.

5 Pracipiemus.] Libro 3.

6 Communes loci.] Communes formulæ quæ dicunturper amplificationem in virtutes aut vitia, aut seorsum tractantur, ut progymnasimata, aut in orationum epilogis ponuntur, idque dupliciter, vel illo generali ambitu, vel addita circunscriptione. quanquam ubique est thesis. Turneb.

H 2

I Nam

deduci

deduci species solent, ut si ponatur adulter cacus, aleator pauper, petulans senex. Habent autem nonnunquam etiam defensionem. 1 Nam & pro luxuria, & pro amore dicimus, & leno interim parafitusque defenditur: sic ut non homini patrocinemur, fed crimini. 2 Thefes autem quæ fumuntur ex rerum comparatione, ut 3rusticanane vita an urbana potior, 4 junisperiti an militaris viri laus major, mire funt ad exercitationem dicendi's speciosæ atque uberes: quæ vel ad suadendi officium, vel etiam ad judicium disceptationemque juvant plurimum. Nam posterior ex prædictis locus, in caussa Murænæ copiosissime à Cicerone tractatur. Sunt & illæ pene totæ 'ad deliberativum pertinentes genus, ducendane uxor, petendine sint magistratus. Nanque hæ personis modo adjectis fuaforiæ erunt. 8 Solebant præceptores mei, neque inutili, & nobis etiam jucundo genere exercitationis, præparare nos conjecturalibus caussis, cum quærere atque exequi juberent, o cur armata apud Lacedamonios Venus: & quid ita crederetur Cupido puer, ac volucer, & sagittis ac face armatus, & fimilia: in quibus scrutabamur voluntatem, cujus in controversiis frequens quæstio est: quod genus

T Nam & proluxuria.] Sunt hæ materiæ quas appellat Gellius infames & inopinabiles: quibus libenter se exercebat Phavorinus, quod crederet hujusinodi materias ingenium expergesacere. Idem.

2 Theses autem.] Theses aut simplices funt aut comparate. comparate majorem quarunt laborem, cum illic omnia duplicentur. Idem.

3 Rusticane vita.] Hanc thesin tractat Varro libro secundo de re rustica, ac potiorem ostendit rusticam. Idem.

4 Jurisperiti an militaris.] Hac thesis trastatur à Cicerone in oratione pro Murana adversus Servium Sulpitium jurisconsultum. Idem.

5 Speciosa.] Al. Spatiosa.

6 Sunt & ille.] Quanquam plerunque in deliberatione tota thesis tractazur, tamen deliberandi principium non folet dare thesis, sed hypothesis, qua postea revocatur ad thesin. Turneb.

7 Ad de liberativum pertinentes genus ] MS. elegantius: Pertingentes. Vide Gebhard. Crepund. lib.2. c.9. pag. 82.

8 Solebant praceptores mei.] Hoc progymnasma videtur omissum esse & ab Hermogene, & ab Aphthonio, niss forte sub chria complecti velis, uti quaratur, quare apud Lacedamonios statua Veneris erat armata. Turneb.

9 Cur armata aqud Lac. Venus.] Lactantius lib. Instit. r. cap. 20. p. 78. &c. describit Venerem calvam & armatam. Exstat & lib. 5. Epist. p. 185. Epigramma Ang. Politiani in Venerem armatam. Armata apud Lacedamonios Venus.] Extat Ausonii carmen de Venere armata ex Graco. Cupidinis autem pictura causas Propertius libro x1. reddit. Camerar.

I Nam

INST. ORATOR. LIB. II. CAP. IV. I

chriæ videri potest. 'Nam locos quidem, quales sunt de testibus semperne his credendum: & de argumentis, an habenda etiam parvis sides: adeo manifestum est ad forenses actiones pertinere, ut quidam nec ignobiles in officiis civilibus, scriptos eos, memoriæque diligentissime mandatos, in promptu habuerint, ut quoties effet occasio, extemporales eorum dictiones his velut 'emblematis exornarentur. Quo quidem (nec enim ejus rei judicium differre sustineo) summam videbantur mihi infirmitatem de se confiteri. Nam quid hi possint in causis, quarum varia ac nova semper est facies, proprium invenire, quomodo propositis ex parte diversa respondere, 3 altercationibus velociter occurrere, teltem rogare, qui etiam in iis quæ funt communia, & in plurimis cauffis tractantur, vulgatiffimos fenfus verbis nifi tanto ante præparatis, prolequi nequeant? Necesse est his, cum eadem judiciis pluribus dicunt, aut fastidium moveant, velut frigidi & repositi cibi: aut pudorem deprehensa toties audientium memoria infelix supellex: quæ, ficut apud pauperes ambitiofos,4 pluribus & diversis officiis conteratur: 5 cum eo quidem, quod vix ullus est tam communis locus, qui possit cohærere cum caussa, nisi aliquo propriæ quæstionis vinculo copulatus: appareatque eum non tam insertum, quam applicitum; vel quod dissimilis est cæteris, vel quod plerunque assumi etiam parum apte folet, non quia desideratur, sed quia paratus est. ut qui-

I Nam locos quidem.] Alios tractat locos communes, qui appellantura Rhetoribus inartificiales, quorum inventio caret arte, tractatio artificiosa est. Turnebus.

2 Emblematis.] Immissuras dicamus.

3 Altercationibus.] Altercationes appellat Fabius, cum non habetut oratio continua & perpetua, sed utrinque interrogationibus & responsionibus interrupta. Turneb.

4 Plurib. & diversis off. conteratur.]

MSS. Palat. Pluribus & divifis officiis. Vide Gebhard. Crepund. lib.2. c.9.

5 Cum eo quidem.] Locus communis cum absumitur cum proprio themate, apte debet conjungi, ut videatur illuc immigrasse sponte, non accersitus suisse. Hi autem nihil habent pensi quo modo inferatur, dum aliquo modo applicetur. Turneb.

6 Ut quidam.] Quosdam reprehendit, qui allecti sententiis quibusdam plausibilibus excurrunt in locos communes spaciosos, idque præpostere:

dam sententiarum gratia verbosissimos locos arcessunt, cum ex locis debeat nascissententia. Ita sunt autem speciosa hæc & utilia, si oriuntur ex caussa. Cæterum quamlibet pulchra locutio, nisi ad victoriam tendit, utique supervacua, sed interim etiam contraria est. Verum hactenus evagari satis fuerit. 2 Legum laus & vituperatio jam majores ac prope summis operibus suffecturas vires desiderant: quæ quidem suasoriis magis an controversiis accommodata sit exercitatio, consuetudine & jure civitatum differt. 3 Apud Græcos enim lator earum ad judicem vocabatur: Romanis pro concione suadere ac dissuadore moris suit. Utroque autem modo pauca de his, & fere certa dicuntur. 4 Nam & genera sunt tria, sacri, publici, privatijuris. Quæ divisio ad laudem magis spectat, si quis eam per gradus augeat, quod lex, quod publica, quod ad religionem deum comparata sit. Ea quidem de quibus quæri solet, communia omnibus. 'Aut enim de jure dubitari potest ejus qui rogat, ut de 6 P. Clodii, qui 7 non rite creatus tribunus arguebatur. Aut de ipsius rogationis, quod est varium, 8 sive non tri-

nam ex locis debent oriri fententia, non ex sententiis loci. Idem.

I Cum ex locis debeat nasci sent. ] Gebhard. Crepund. lib.2. c.9. pag.83.

2 Legum laus & vituperatio.] Pro-gressus est Fabius à facilioribus sensim ad difficiliora, acultimo loco progymnasmamaximum posuit, quod appellatur monothefia. efficit autem apud Romanos genns deliberativum, quia lex suadetur vel diffuadetur, ut in oratione contra Rullum. Apud Gracos vero genut judiciale, quia legislator accusatur a Davonav. id est, quod sciverit aliquid contra leges: ut in oratione Aschinis contra Ctesiphontem. Turneb.

3 Apud Gracos.] Exempla possunt esse Demosthenis orationes megs he-ส ที่งใบ , หรู หลูใส่ ในบอนอุสาธร. Camerar.

4 Nam & genera.] Hac exercitatio tractatur in universum, citra personæ complexum:alioqui enim jam effet cau-

sa, & non progymnasma. Loci petuntur à jure, quod (ur ait Ulpianus) aut privatum est aut publicum. Publicum aut in sacris & cerimoniis, quod pontificium appellatur : aut in catero reipub. statu, quod appellatur civile. Turneb.

5 Aut enim de jure.] Hoc caput est paragraphicum. non cadit autem in progymnasma, sed in causam. Idem.

6 P. Clodii. ] Suet. in Cafar. & Cic.

in orat. pro domo fua.

7 Non vite creatus Tribunus.] Tribunus esse nullus potest, nisi plebeius, cum autem transiret à Patritiis ad plebem Clodius, servatum est de cœlo à Bibulo consule, quæ res legem irritam faciebat. Turneb.

8 Sive non trino. ] Nundinis ait Macrobius, folitas rusticas tribus in urbem venire, mercium caussa. Itaque leges & consulta tertiis nundinis promulgabantur, quas dixere trinundinum &

INST. ORATOR. LIB. II. CAP. IV. no forte 'nundino promulgata, 'five non idoneo die, five contra intercessiones, vel 3 auspicia, aliudve quid quod legitime obstet, dicitur lata esse vel ferri, sive alicui manentium legum repugnare. Sed hæc ad illas primas exercitationes non pertinent. Nam funt hæ citra complexum personarum, temporum, caussarum. Reliqua eadem fere vero fictoque certamine hujusmodi tractantur. \* Nam vitium aut in verbis est, aut in rebus. In verbis quæritur, an satis significent, an sit in his aliquid ambiguum. In rebus, an lex sibi ipsa consentiat, an in populum ferri debeat, an in singulos homines. Maxime vero commune est quærere, an sit honesta, an utilis. 5 Nec ignoro, plures fieri à plerisque partes : sed nos justum, pium, religiosum, cæteraque his similia, honesto complectimur. 6 Justi tamen species non simpliciter excuti solet. Aut enim de re ipsa quæritur, ut dignane pana vel pramio sit: Aut de modo præmii, pænæve, qui tam major quam minor culpari potest. 7 Utilitas quoque interim natura discernitur, interim tempore. Quædam an obtineri possint, ambigi folet. Ne illud quidem ignorare oportet, leges aliquando totas, aliquando ex parte reprehendi folere, cum 8 exemplum rei utriusque nobis claris orationibus præbea-

trium nundinum. Video accepisse quosdam pro loco, quod tribus in locis promulgationes sieri solerent, pro quibus Fabius facere videri possir.

I Nundino.] Nundinæ institutæ suerant ut nono quoque die rustici in urbem ad mercatum & leges accipiendas
venirent: quæ ideireo trinis nundinis
promulgabantur, ac deinde in ærario
asservabantur, ac ratæ habebantur. Turnebus.

2 Promulgata.] Vide Macrobium libro 1. Satur. cap 19.

3 Auspicia.] Jove tonante aut fulgente omnia dirimebantur, ac obnunclatio auguris vel magistratus omnia tollebat. Turneb.

4 Nam vitium.] Hoc caput nascitur ex statibus legitimis, qui scripto continentur. Idem. 5 Nec ignoro.] Quatuor efficit partes Aphthonius, legitimum, justum, utile, posibile: Fabius honestum & utile, quanquam postea etiam aget de posibili, quem esse locum putat generis deliberativi, li-

bro tertio. Idem.

6 Justi tamen.] Legis est virtus imperare, permittere, vetare, punire, adjedis interim pœnis vel præmiis quæ ex
justitia expenduntur. Ita Favorinus
apud Gellium libro vigesimo, quasdam
leges duodecim tabularum culpat, quod
interim graviores, interim leviores inferant pœnas. Idem.

7 Utilitas.] Cicer. in orat. pro lege

agraria.

8 Exemplum rei utriusque.] Hujusmodi potest esse exemplum oratio Aschinis in Ctesiphontem, & Demosthenis se corona, Turneb.

H 5 I Sc

tur. Nec me fallit eas quoque leges esse, quæ non in perpetuum rogentur, ' sed de honoribus aut imperiis, qualis Manilia suit, de qua Ciceronis oratio est. Sed de his nihil hoc loco præcipi potest. Constant enim propria rerum de quibus agitur, non communi qualitate. His fere veteres facultatem dicendi exercuerunt, assumpta tamen à dialecticis argumentandi ratione. Nam i fictas ad imitationem fori confiliorumque materias apud Græcos dicere, circa Demetrium Phalerea institutum fere constat. An abipsoid genus exercitationis sit inventum (3ut alio quoque libro sum confessus) parum comperi: sed ne ii quidem hoc fortissime affirmant, ullo satis idoneo auctore nituntur. Latinos vero dicendi præceptores extremis L. Crassi temporibus cœpisse, \* Cicero auctor est: quorum insignis 5 maxime Plotius fuit.

I Sed de bonoribus.] Ut lex fuit, qua Scipio Africanus ante æratem adeptus est consulatum, legibus solutus. & Manilia, quæ lata est à Manilio trib. pleb. de imperio Cn. Pompeio adversus Mithridatem demandando. Turneb.

2 Fictas ad imitationem fori, Oc.] Videndus hac de re Joh. à Wouweren Animadv. in Petronium p.379. & 380. Edit. Goldasti.

3 Ut alio quoque libro.] Credo de causis corrupta eloquentia. Pith.

4 Cicero auctor est. ] Lib. 3. de Ora-

5 Maxime Plotius. ] Sueton. de claris Rhetor. Gallus Euseb. in Chronic. M. Senec. libro 2. Declamation. Pithœus. Plotius. ] De hoc Plotio vide Tranquillum in libro de claris Rhetoribus. Tur-

### CAP. V.

De lectione oratorum & historicorum apud rhetorem.

5 CED de oratione declamandi 'post paulo: interim, Quia prima rhetorices rudimenta tractamus, non omittendum videtur id quoque ut moneam, quantum sit collaturus ad profectum discentium rhetor, si quemadmodum à grammaticis exigitur poëtarum enarratio, ita ipse quo-

Paulegendos esse pueris historicos & technologiam autartis præceptionem scribir. Turneb.

virtutibus ac vitiis has enim res magis

i Paulo.] Cap. 11. infra. conducere ad eloquentiam, quam ullam

I Hifto-